



Broj: 06-11-2826/23- 7 Lot 3  
Ilidža, 27.06.2023. godine

Na osnovu člana 70. Zakona o javnim nabavkama («Službeni glasnik BiH» broj 39/14 i 59/22) i Preporuke komisije za javne nabavke, donosi se

**ODLUKA**  
**O IZBORU NAJPOVOLJNIJEG PONUĐAČA ZA JAVNU NABAVKU BROJ 48/23**

**I**

Ponuda ponuđača **IPSA INSTITUT d.o.o., Put života bb, Sarajevo, u iznosu od 6.420,00 KM bez PDV-a i rokom plaćanja od 90 dana**, proglašava se najpovoljnijom, za **JN 48/23 Nadzor nad realizacijom radova (projekata) na području općine Ilidža LOT 3 Vršenje usluga nadzora nad izvođenjem radova iz oblasti regulacije vodotoka.**

**II**

**Ponuđač IPSA INSTITUT d.o.o.** obavezan je u roku od 7 dana od dana prijema ove odluke Ugovornom organu dostaviti uvjerenja iz člana 45. stav (2) tačka a), b) c), i d) Zakona o javnim nabavkama. (original ili ovjerene kopija u zatvorenoj kovrti).

**III**

Po pravosnažnosti ove odluke, ugovorni organ će pozvati izabranog ponuđača radi zaključenja okvirnog sporazuma kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u Tenderskoj dokumentaciji.

**Obrazloženje**

Na osnovu odluke o pokretanju postupka broj 06-11-2314/23-1 i obavještenja o nabavci broj 888-1-2-110-3-90/23 od 20.04.2023.godine, pokrenut je otvoreni postupak nabavke za **JN 48/23 Nadzor nad realizacijom radova (projekata) na području općine Ilidža LOT 3 Vršenje usluga nadzora nad izvođenjem radova iz oblasti regulacije vodotoka.** Ponude su blagovremeno su dostavili **IPSA INSTITUT d.o.o., Put života bb, Sarajevo, ZAVOD ZA VODOPRIVREDU d.d., Paromlinska 53E/I, Sarajevo, SMAJIĆ INŽENJERING d.o.o., Zaima Imamovića bb, Goražde, Institut za građevinarstvo „IG“ d.o.o., K. Petra I Karađorđevića 92-98, Banja Luka i RADIS d.o.o., Jovana Dučića 16, Istočno Sarajevo.**

Analizom ponuda utvrđeno je da su ponuđači **IPSA INSTITUT d.o.o.** i **Institut za građevinarstvo „IG“ d.o.o.** dostavili dokaze tražene tenderskom dokumentacijom odnosno da su dostavili tražene dokaze. Ponuda ponuđača **IPSA INSTITUT d.o.o.** je ocijenjena kao neprirodno niska te je od istog zatraženo pojašnjenje cijene. Dostavljeno pojašnjenje Komisija za javne nabavke je prihvatila.

Ponuda ponuđača **SMAJIĆ INŽENJERING d.o.o., Goražde** se odbacuje jer isti nije dostavio dokaz tražen tačkom 2.4.1 b) tenderske dokumentacije.

Navedeni ponuđač je dostavio diplomu o završenom studiju za sticanje visoke stručne spreme diplomirani inženjer građevinarstva za lice **Mastilović (Obrada) Ruža**, broj: 1400/79 od 22.05.1980. godine, uvjerenje o položenom stručnom ispitu za lice **Ruža Mastilović**, broj: 07/1-153-324/80 od 24.11.1980. godine te Izjavu-Potvrdu broj: 412-U-23 od 02.06.2023. godine izdatu od "Smajić-Inženjering" d.o.o., Goražde kao dokaz da je **Ruža Stojanović** zaposlenik kod navedenog ponuđača. Naime, Komisija za javne nabavke bez krajnje sumnje nije mogla zaključiti da li je lice označeno kao uposlenik firme "Smajić-Inženjering" d.o.o., Goražde kao **Ruža Stojanović** isto lice kojem su izdate diploma/uvjerenje kao dokaz iz tačke 2.4.2 tenderske dokumentacije.



Ponuda ponuđača ZAVOD ZA VODOPRIVREDU d.d., Sarajevo se odbacuje jer isti nije dostavio dokaz tražen tačkom 2.4.1 b) tenderske dokumentacije. Naime, navedeni ponuđač za lice Ana Bušić, diplomirani inženjer arhitekture je dostavio diplomu o završenom studiju za sticanje visoke stručne spreme diplomirani inženjer arhitekture te uvjerenje o položenom stručnom ispitu ali nije dostavio potvrdu o radnom iskustvu u struci za navedeno lice.

Što se tiče ponude ponuđača RADIS d.o.o. konstatovano je da je dana 15.03.2023.godine ovaj ugovorni organ jednostrano raskinuo ugovor zaključen sa ponuđačem RADIS d.o.o., Istočno Sarajevo za pružanje usluga nadzora na realizaciji projekata "Sanacija, rekonstrukcija i asfaltiranje saobraćajnica prvog reda na području općine Ilidža". Ugovor je raskinut aktom broj 12-11-2048/23 od 15.03.2023.godine iz razloga što imenovani nije vršio nadzor u skladu sa zaključenim ugovorom odnosno utvrđeni su značajni nedostaci tokom izvršenja ovog ugovora. Istim aktom ponuđač je obaviješten da se isključuje iz učešća u postupcima ove vrste nabavke na period od 12 mjeseci, a sve u skladu sa članom 45 stav (5), tačka c) Zakona o javnim nabavkama koji glasi:

*(5) Ugovorni organ može na period od 12 mjeseci isključiti iz učešća u postupku nabavke kandidata/ponuđača koji se nađe u bilo kojoj od sljedećih situacija:*

*c) ako se utvrde značajni nedostaci tokom provedbe prethodnog javnog ugovora ili prethodnog ugovora sa sektorskim ugovornim organom čija je posljedica bila prijevremeni raskid tog prethodnog ugovora, naknada štete ili druga slična sankcija;*

Iz navedenih razloga ponuda ponuđača RADIS d.o.o. se ocjenjuje kao neprihvatljiva.

Na osnovu kriterija za dodjelu ugovora "ekonomski najpovoljnija ponuda" sa potkriterijima cijena sa učešćem 99% i rok plaćanja sa učešćem 1%, Komisija je utvrdila sljedeću rang listu prihvatljivih ponuda:

1. **IPSA INSTITUT d.o.o.**, broj bodova 100,00 (cijena ponude bez PDV-a **6.420,00 KM**, rok plaćanja 90 dana)
2. **Institut za građevinarstvo „IG“ d.o.o.**, broj bodova 74,01 (cijena ponude bez PDV-a **8.700,00 KM**, rok plaćanja 87 dana)

U skladu sa utvrđenom rang listom Komisija za javne nabavke je dala preporuku za dodjelu ugovora ponuđaču **IPSA INSTITUT d.o.o.** Imajući u vidu navedeno odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke ponuđači imaju pravo da izjave žalbu u roku od deset dana od dana prijema odluke. Žalba se izjavljuje URŽ-u putem ugovornog organa u pisanoj formi direktno, elektronskim putem ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Nermin Muzur / magistar uprave

DOSTAVLJENO:

1. Ponuđačima 5x
2. Služba za komunalne poslove i infrastrukturu
3. Služba za finansije
4. Kabinet Općinskog načelnika
5. Služba za zajedničke poslove (za objavu na WEB)
6. a/a

Izradio: Almedin M.  
Kontrolisali: Nerma B.  
Benjamin M.

